



Inatsisartunut ilaasortaq,
Emanuel Nûko, Partii Naleraq

-/Maani

§ 37 naapertorlugu apeqqummut nr. 198/2019-imut akissuteqaat

Ulloq: 04-06-2019
Suliap normua: 2019-13262
All. nr.: 10869400

Inatsisartut Suleriaasianni § 37, imm. 1 naapertorlugu Tunumi inuussutissarsiutit ineriartornerat pillugu Naalakkersuisunut apeqquteqarputit. Apeqqutit suliassaqaqfigisannit aki-neqartussanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Naalakkersuisunut apeqqutigisat:

Apeqqut 1: Piniarnermut, Aalisarnermut Nunalerinermullu Naalakkersuisoq Kangiani nunaqarfiinilu angalanissani pilersaarutiginerlugu?

Akissut: Maannakuugallartoq Tunumut angalaarnissamik aalajangersimasumik pilersaaruteqanngilanga.

Taamaattorli erseqqissaatigissavara, Tunumi inuussutissarsiutit ineriartorneranut pilersaaruteqangaatsiarama, taamaattumillu nuannaarutigalugu nalunaarutigisinnaavara suliniutit arlallit ingerlammata. Oqaatigisinnaavara Tunumi periarfissanik siunissamilu suliniutissanik misissuinermit ilanngussaqaqartussat suleqatigiissitat marluk pilersinneqarnikummata. Inuussutissarsiornermut ineriartornermullu periarfissanik suliniutit Tunumi ineriartornermik nukittunerulersitsinissaq pillugu Aalisarnermut, Piniarnermut Nunalerinermullu Naalakkersuisoqarfiup ilaatigut Inuussutissarsiornermut Nukissiuutsinut Ilisimatusarnermullu Naalakkersuisoqarfik suleqatigaa. Ilaatigut aningaasatigut tapiissutinik ikiunnikkut aamma Naalakkersuisoqarfiit, Kommuneqarfik Sermersooq-p, nunaqarfimmiut sinniisaasa kiisalu najukkani aalisartut piniartullu suliassaqaqarfiit akimorlugit suleqatigiinnerisigut Tunumi Nunaqarfinni isorliunerusunilu aalisarnerup piniarnerullu iluanni inuussutissarsiutitip qulakkeerneqarnissaa anguniagaavoq.

Apeqqut 2: Qanga kingullermik Kangiani nunaqarfiinilu piniartoqarfiit tamaasa Aalisarnermut, Piniarnermut Nunalerinermullu Naalakkersuisup tikeraarpai? imaluunniit qaqugu tikeraassavai aalisarnermik piniarnermillu inuussutissarsiuteqartut ataatsimeeqatiginiarlugit.

Akissut: Aalisarnermut, Piniarnermut Nunalerinermullu Naalakkersuisutut aatsaat april-imi 2019-imi ivertinneqarpunga, taamanimiillu Tunu tikeraarsimanngilara. Akissummut siullermut akissut aamma innersuunneqarpoq.

Apeqqut 3: Kangiani nunaqarfiinilu piniarnermik aalisarnermillu siursaasoqarpa?


Akissut: Ukiuni kingullerni Tunumi sinerissap qanittuani inuussutissarsiutigalugu aalisarneq allanut naleqqiullugu annikissimavoq. Taamaattorli ukiuni kingullerni Tunumi inuussutissarsiutigalugu aalisarneq pitsaasumik ineriartorsimasoq Naalakkersuisoqarfiup nalilerpaa. Naak 2016-imit 2018-imut sinerissap qanittuani akuersissutit ikinnerulersimagaluartut, piffissami tassani Tunup sineriaani nunami suliffeqarfinnut

aalisakkanik tunisinerit qaffariarsimapput, tamatumalu paasinarsisippaa aalisarneq sunniuteqarluarnerulersimasoq. Tamanna pitsaasumik ineriartornerusoraara.

Apequt 4: Qanga kingullermik Aalisarnermut, Piniarnermut Nunalerinermullu Naalackersuisoq Kangiani nunaqarfiinilu tikeraarpa? - tikeraarnerminilu suna siunertaraa aamma qanoq tikeraarneq pissarsiaqarfiusimava? Tikeraarneq paasissutissanik pissarsiffiusimava?

Akissut: Akissut siullermut innersuunneqarpoq.

Inussiarnersumik inuulluaqqusillunga



Jens Imanuelsen

Aalisarnermut, Piniarnermut Nunalerinermullu Naalackersuisoq